

Út af þessu skal yður það til vitundar gefið, til þess þér ^{1861.} 28. septbr. gætið þess framvegis, að það að eins heyrir undir úrskurð hlutaðeiganda stjórnarráðs, hvort leyfa megi að embættislaun sæu út borguð fyrirfram, og fyrir hve langan tíma; og eigið þér því, þegar svo ber undir, að senda hingað bænarskrá þess embættismanns, er hlut á að máli, og rita á hana álit yðar um málið, til þess það síðan verði lagt undir úrskurð hlutaðeiganda ráðgjafa.

71. Bréf kirkju- og kennslustjórnarinnar til stiptsyfir- 2. október.
valdanna á Íslandi, um skilríki fyrir bókum, er keyptar eru handa hinum lærða skóla m. m.

Frá hinni annari endurskoðunarskrifstofu konungsríkisins hefir verið sent hingað eptirrit af 14. útásetningagrein við reikningana yfir tekjur og gjöld hinna lærðu menntunarstofnana á Íslandi um tímabilið frá 1. aprílm. 1854 til 31. marzm. 1856, ásamt svari þess, er reikninginn hafði samið, álit þess, er hann hafði endurskoðað, úrskurðinum um útásetninguna, og álit þeirra um hvort úrskurðinum væri fullnægt; hefir um leið verið stungið upp á, að ársreikningum skólanna skuli fylgja ekki að eins kvittadir reikningar bókasöllumanna yfir bækur þær, er þeir hafa af hendi látið, heldur og þar að auki listar yfir nýjar bækur, er bætzt hafa við, og yfir bækur, er fargað hefir verið, og því hafa gengið úr það ár, er reikningurinn nær yfir, ásamt skýrslu um, hvað fengizt hafi fyrir hinar síðartöldu bækurnar.

Þareð nú kirkju- og kennslustjórnin fellst á uppástungu þessa, skorar hún hér með á yður, herra stiptamtmaður, og yður, háæruverðugi herra, að þér bjóðið þeim, er hlut eiga að máli, að hegða sér samkvæmt því, sem nú hefir sagt verið.

72. Bréf dómsmálastjórnarinnar til stiptamtmannsins 30. október.
yfir Íslandi, um sveitarstýrk.

Dómsmálastjórnin hefir fengið álitsskjal yðar, herra stiptamtmaður, dagsett 25. júní. þ. á., yfir umkvörtunarbréf

1861. nokkurt frá hreppstjóranum í Kleifa hrepp, um úrskurð, er
 30. október. amtmaðurinn yfir suðurumdæminu kvað upp 28. júlím. 1859
 um það, hvar Guðmundur nokkur Guðmundsson væri sveitlæg-
 ur. Í þessu efni skal yður það til vitundar gefið, yður til leið-
 beiningar, og til þess þér kunngjörð það hlutaðeigendum, að
 stjórnarráðinu ekki þykir ástæða til að leggja úrskurð á þetta
 mál, með því tæður Guðmundur, eptir þeim skýrslum, sem fram
 eru komnar, hefir ekki enn farið þess á leit að fá sveitarstyrk.

31. október. **73. Bréf dómsmálastjórnarinnar til amtmannsins yfir
 vesturumdæminu, um lækkun á afgjaldi af jörð-
 inni Kársstöðum sökum skemmda.**

Með bréfi 9. júlím. þ. á. hafið þér, herra amtmaður,
 sent dómsmálastjórninni skoðunargjörð á skemmdum þeim, er
 jörðin Kársstaðir, er heyrir undir Skógarstrandar umboð, hefir
 orðið fyrir af fjallskriðu, og hafið þér stungið upp á, að lætt
 sé af jörðu þessari einu kúgildi, þó með því skilyrði, að
 landskuldin verði framvegis hækkuð um 10 álnir eptir meðal-
 verði verðlagsskrár, en leiguliði skuli undanþeginn að svara eins
 árs leigum af kúgildi þessu, en skili því í góðu standi í far-
 dögum 1862, og skuli það síðan selt og verð þess renna í um-
 boðssjóðinn; þar að auki hafið þér beðið um samþykki stjórn-
 arráðsins til þess, að þér hafið látið greiða úr umboðssjóðnum
 2 rd. 48 sk. fyrir skoðunargjörð þá, sem að ofan er getið.

Í þessu efni skal yður til vitundar gefið, yður til leiðbein-
 ingar, og til þess þér kunngjörð það þeim, er hlut eiga að
 máli, að dómsmálastjórnin fellst á uppástungur amtsins, þær
 er að ofan er getið; þó skal skylda leiguliðann til að bæta
 skemmdirnar, svo sem unnt er; svo leggur og dómsmálastjórnin
 samþykki á, að þér hafið látið greiða úr umboðssjóðnum fé það,
 sem að ofan er greint.